

# Alodlendonu Nuplonwe Opli Gbezən po Lizonyizon po Ton

**5-11 SEPTEMBRE**

**NUHQAKUĘ LĘ SON OHÓ JIWHEYEWHE  
TON MĘ | 1 AHOLU LĘ 9-10**

**"Nə Pà Jehovah Na Nuyonən Etən"**

w99 1/7 30 huk. 6

Dlapon de He Yin Ahosuna Susugege

To mimo Solomoni mə, ahosi lə jə tinten ən pón po "kanbiə sinsinyen lə" po ji. (1 Aholu lə 10:1) Hogbe Heblu ton heyin yiyizan tofi soğan yin liledogbedevomə do "ajlú." Şigba ehe ma zəemədo də ahosi lə hən Solomoni biə aihundida he mayin nujonu ton mə gba. Po awuvivi po, to Psalm 49:4 mə, hogbe Heblu ton dopolo yin yiyizan nado basi zəemə kanbiə nujonu ton lə gando ylando, okú, po ofligo po go. To whelənu lo, e yönbaşı də ahosi Şeba ton lə to hododopö he sisö de tindo hə Solomoni he tən sisosiso nuyonən etən ton pón. Biblu də də ewo "dəho hə e sən ehe tin to ayiha etən mə lepo mə." To godo mə, Solomoni "də kanbiə etən lepo na ən: onú depope ma tin yin whiwhla sən aholu də he e ma də na ən."—1 Aholu lə 10:2b, 3.

w99 1/11 20 huk. 6

To Whenuena Alotütlü Ləzun Susugege

Na yinyin pipaşa gbon nuhe e sə bosə mə lə dali wutu, ahosi lə yí whiwə do gblon dəmə: "[Ayajənə, NW] wə məməsi towə hele, he nə şite təgbətə to nukon towə, po he to nuyonən towə sə lə po." (1 Aholu lə 10:4-8) Ewə ma lá devizənwatə Solomoni ton lə də ayajənə na yé yin liledo pé gbon adokun susugege dali gba—yədə dile etlə yinmə na yé do. Kakati-mə, devizənwatə Solomoni ton lə yin didona na yé soğan dotoai na nuyonən heyin nina-mə sən Jiwheyewhe də Solomoni ton wutu. Apajlə dagbe nankə die ahosi Şeba ton yin

na omə Jehovah ton lə to egbehe, he to aglinjə to nuyonən Mədatə lə ləsə titi ton mə podə enə heyin Visunnu etən, yədə Jesu Klisi-ti ton mə lə!

w99 1/7 30 huk. 7

Dlapon de He Yin Ahosuna Susugege

Ahosi Şeba ton yin nuyiwadeji tlala na nuhe dù nuyonən po kədetən dagbe tintində ahə-luduta Solomoni ton po səmə bə "gbigbə de masə tən to e homə ba." (1 Aholu lə 10:4, 5) Mədele yí hodidə ehe nado zəemədo də ahosi lə "doalotəna gbigbə." Weyonəntə dopo tələ də də e kuşio! Depope he whə-ho lə na yin, ahosi lə yin pipaşa na nuhe ewə ko mə bosə sə. E lá devizənwatə Solomoni ton lə taidi ayajənə na pipenugo nado sə nuyonən aholu ton ehe, podə e dopə na Jehovah na zize Solomoni do ofin ji. Enə-godo e na aholu lə nunina akuegəgənə lə, səha sika kədə ton, na nuhqakuę egbezəngbe ton, yí dəla 40000000 Aməlikə ton. Solomoni ləsə ze nunina lə donukonna ən, bo na ahosi lə "ojlo etən lepo, nuddepope he e kanbiə."—1 Aholu lə 10:6-13.

**Onú Sisosiso Gbigbomə Ton Lə**

w08-F 1/11 22 huk. 4-6

Be Hię Yonən Ya?

Nawə sika he Aholu Solomoni tindo sù sə? Owe-wiwe lə də də Hilami, aholu Tile ton, do sika tonu ənə hlan Solomoni, podə sika he sù səmə wə ahosi Şeba ton ləsə na ən bə təjihun Solomoni ton lə sə hən sika he hügen tonu 15 wá na ən sən Ofili. Səgbe hə kandai lə, "zínpinpən sika he nə biə whégbə na Solomoni to wheməwhemə ton yí talənti sika ton 666," kavi tonu 25 linlán. (1 Aholu lə 9:14, 28; 10:10, 14) Be ehe yönbaşı ya? Nawə sika he aholu lə nə tindo to hohowhenu nə sù sə?

Nukinkan hohowhenu tòn he go weyónento lè nò dejido de dohia dò Falo Thoutmosis III Egipti tòn (he nogbè to owhe fòtòn awetò J.W.M. mè) na nudi sika tònou 13 daa tèmpli Amun-Ra tòn to Karnak. To owhe kan-weko şinatòntò J.W.M. gblamé, otò Tile tòn na Ahòlu Tiglati-pileseli III Asilia tòn sika tònou 4 linlán, bò Salgoni II lòsu na sika soha ené yewhe Babiloni tòn lè. Linlin lè dohia dò to whemewhemé, Ahòlu Philippe II Makedonia tòn (owhe 359-336 J.W.M.) nò kùn sika tònou 28 linlán son doglo Pangée tòn to Thrace.

Mèlè dò dò to whenue alo visunnu Philippe tòn, Alexandre le Grand (owhe 336-323 J.W.M.) tòn jé Susa, tòdaho Pèlsia tòn go, ewò yí sika tònou 1180 son tòdaho lò si, podò nudi tònou 7000 son otò Pèlsia tòn blebu si. Po linlin ehelé po, e honwun dò nuhe Biblu dò gando sika he Ahòlu Sòlomoni tindò go ma yin hójjile.

## 12-18 SEPTEMBRE

### NUHQAKUÉ LÈ SON OHÓ JIWHEYEWHE TÒN MÈ | 1 AHÒLU LÈ 11-12

#### “De Alowlemé Towe po Nuyonèn Po”

#### w18.07 18 huk. 7

#### “Mènu lè Wè to Adà Jehovah Tòn Mè?”

7 Mí sògan plòn nususu son apajlé Ahòlu Sòlomoni tòn mè. To joja whenu etòn, Sòlomoni nò lèhlan Jehovah nado dín anademé. Jiwheyewhe na èn nuyonèn daho bosò deazónna èn nado gbá tèmpli whan-pènò de do Jelusalém. Şigba, Sòlomoni wá hèn hontónjiji etòn hé Jehovah gble. (1 Ahò. 3:12; 11:1, 2) Na taun tòn, osén Jiwheyewhe tòn jéagodo dò ahòlu Heblu de ni “bè asi lè pli na ede, na ahun etòn nikaa lèhlan apa-dopo son [Jiwheyewhe dè].” (Deut. 17:17) Sòlomoni vètoli bo dà asi 700 to godo mè.

E sò plan asimòwhlá 300 dogò do owhé etòn gbè. (1 Ahò. 11:3) Susu to asi etòn lè mè ma yin Islaelivi bo nò sèn yewhe lalo lè. Gbònmò dali, Sòlomoni lòsu gbà osén Ji-wheyewhe tòn lò he jéagodo alòwiwle hé yönnu jonò lè.—Deut. 7:3, 4.

#### w19.01 15 huk. 6

#### Nawé A Sògan Hò Ahun Towe Gbòn?

6 Satani jlo dò mí ni taidi emi—yèdò ateşitò de he gbékò nujinötèdo Jehovah tòn lè go bo nò yinuwa po şejannabi po. Satani ma sògan hèn mí po huhlòn po nado lènnupòn kavi yinuwa dile e nò wà do. Enewutu, e nò tènpon nado yí wlènwin devo lè zan nado jé yanwle etòn kèn. Di apajlé, e hèn gbètò he ewò ko hènflu lè nado lèdo mí pé. (1 Joh. 5:19) Nukundido etòn wè yindò mí na de nado nò yí whenu zan dopo hé yé, dile mí tlè yönèn dò gbèdido ylankan lè nò hèn aliho he mè mí nò lènnupòn bo nò yinuwa te “gble” kavi flu. (1 Kòl. 15:33) E ko yí wlènwin ené zan do Ahòlu Sòlomoni go bò e pà è. Ewò dà yönnu kosi susu he wá “yinuwado e ji sinsinyen” to godo mè, podò yé “wá lè ahun etòn vudevude” son Jehovah dè.—1 Ahò. 11:3, Odò.

#### w18.07 19 huk. 9

#### “Mènu lè Wè to Adà Jehovah Tòn Mè”

9 Şigba, Jehovah ma nò yí nukunpèvi do pón ylanwiwa gbede. Biblu dòmò: “Jehovah sò gblehomé sinsinyen do Sòlomoni go, na ahun etòn ko lè son Jehovah . . . dè wutu, yèdò mèhe ko sòawuhia è whla awe bo ko sò na èn avase gando onú ehe lò go dò ewò ma dona hodo yewhe devo lè. Şigba, e ma setonuna nuhe Jehovah ko degbe etòn.” Taidi kòdetòn de, e hèn nukundagbe po godonònámè Ji-wheyewhe tòn po bu. Kúnkan Sòlomoni tòn lè hèn pòníñò he tin to ahòluduta Islaeli tòn mè lò bu, bosò pehé nugbajeméji susu lè son whèndo de ji jé devo ji.—1 Ahò. 11:9-13.

## Onú Sisosiso Gbigbomé Tón Lé

w18.06 13 huk. 5-14 huk. 3

Ewó Sógan Ko Mọ Nukundagbe Jiwheyẹ-whe Tón

Whenue tòvi lọ lẹ fongu, Lehoboami bẹ awħànpa eton pli. Amó, Jehovah dádo whé ho lọ mè gbon yewhegán Ŝemaia gblamé bo dómō: “Miwlé ma dona héji yì hoavùn hé Islaelivi novisunnu miton lẹ. Dopodopo miton ni lèkoyi owhé eton gbè, na yen wé hén ehe nado jo.”—1 Ahò. 12:21-24.

Bó yé ma naso hoavùn ba wé ya? A sógan yí nukun homé tón do pón lehe ené na ko hén Lehoboami biø bëwlu mè do! Etewé gbe-tó lẹ na lèn gando ahòlu he ko sìn-adán nado yí “alànbá” do sayana mejidugando eton lẹ, şigba bo yawu joago to atëşishi tlolo ehe nukon lọ go? (Yijledo 2 Otànnugbo lẹ 13:7 go.) Etomošo, ahòlu lọ po awħànpa eton lẹ po “setonuna ohó Jehovah tón bo lèkoyi whé, kedédile Jehovah ko döna yé do.”

Etewé mí sógan plon sòn e mè? Nuyonennu wé e yin nado setonuna Jiwheyewhe, eyin mówiwà na tlé zón bò mí na pehé meşan-ko wunmè dele. Tonusisena Jiwheyewhe nò dekötön do nukundagbe po dona eton po mè.—Deut. 28:2.

Etewé yin kòdetön lọ na Lehoboami? Ewó setonu bo hò tito eton nado hoavùn sòta akota yoyò he yin didoai lọ plá, bo wá na ayidonu-go tòdaho lẹ didoai to aigba hennu Juda po Benjamini po tón he ji e gbé to gandu do lẹ ji. E sò vó hén tòdaho susu lodo “taun.” (2 Otàn. 11:5-12) Humo, na ojlé de, ewó yinuwa sogbe hé osén Jehovah tón lẹ. To whenue ahòluduta hennu ao Islaeli tón he to gandu Lehoboami tón glo tlö biø boşıo-sinsën mè, mèsusú sòn dòn wé “nogodona Lehoboami” bo zingbejizönlín wá Jelusalém nado do tenino yeton hia na sinsën-bibasi nugbo lọ. (2 Otàn. 11:16, 17) Gbomrö dali, tonusise Lehoboami tón hén gandudu eton lodo.

## 19-25 SEPTEMBRE

NUHQAKUÉ LÉ SÒN OHÓ JIWHEYEWHE TÓN MÈ | 1 AHÖLU LÉ 13-14

“Nø Do Pekø bo Yin Whiwhenø”

w08 15/8 8 huk. 4

Hèn Nugbono-Yinyin Go po Ahun Dopo Po

<sup>4</sup> Enegodo, Jeloboami döna omé Jiwheyewhe nugbo lọ tón dómō: “Wá whégbè po yen po, bo na gbojé dewe, yen naso na ale de we.” (1 Ahò. 13:7) Etewé yewhegán lọ na wà todin? Be e na kéaloyi nuzedonukonnámè ahòlu lọ tón to owèn whégbledomé tón de dido e godo wé ya? (Ps. 119:113) Kavi be e na gbé oylo ahòlu lọ tón dile etlè taidi dò nuyiwa ahòlu lọ tón lẹ dohia dò nuhe e wà lọ vëna en ya? Matin ayihaawe, Jeloboami tindo nugopi-pe lọ nado na nunina akugegegenu tón susu honthon eton lẹ. Eyin yewhegán Jiwheyewhe tón lọ ko tindo ojlo na agbasanu lẹ to ahun eton mè wé, nuzedonukonnámè lọ sógan ko ze e do whlepón daho de mè. Şigba, Jehovah ko degbena yewhegán lọ dómō: “Hié ma na dù akla de, kavi nùsin, kavi gò gbon aliho he hié gbon wá gba.” Enewutu, yewhegán lọ dò madoadúdeji dómō: “Eyin hié na na odaa owhé tote tón mi, yen ma to na yì whégbè po hié po gba, mò yen ma to na dù akla kavi nùsin to ofi he gba.” Yewhegán lọ sò gbon aliho devo yì sòn Bëteli. (1 Ahò. 13:8-10) Etewé nudide yewhegán lọ tón plon mí gando nugbono-yinyin ahundopo tón go? —Lom. 15:4.

w08 15/8 11 huk. 15

Hèn Nugbono-Yinyin Go po Ahun Dopo Po

<sup>15</sup> Onú devo tewé mí sógan sò plon sòn nusiwa yewhegán he wá sòn Juda lọ tón mè? Howhinwhen lè 3:5 dómō: “Yí ayiha tote do dotudo OKLUNØ go; a dé hlan dewe tón dali blo.” Kakati nado ganjé Jehovah go dile e ko nò wà do dai, yewhegán he wá sòn Juda lọ

dejido nujonen eton titi go to nujijo ehe me. E hen ogbe eton po oyin dagbe he e tindo he Jiwheyewhe po bu na nuwa ehe wutu. Lehe numimø eton hen en honwun gblegede do nujonu we e yin nado no yi jlekajinino po nugbono-yinyin po do wa sinsenzen na Jehovah do so!

w08 15/8 9 huk. 10

### Hen Nugbono-Yinyin Go po Ahun Dopo Po

<sup>10</sup> Yewhegán he wa son Juda lo dona ko penugo nado yonen do kiklo e we yewhegán meho lo te. E dona ko kanse ede do, ‘Nae-gbon Jehovah na do angeli de hlan medevo nado hen anademé devo le wa na mi?’ Yewhegán lo sogan ko biø to Jehovah si nado deanana en, sigba Owe-wiwe ma dohia do e wàmø gba. Kakatimo, “ewo goyigodo po [yewhegán meho lo] po, bo dù akla to owhé eton gbè, bosø nùsin.” Ehe ma hen homehun Jehovah. Whenuena yewhegán he yin kiklo lo wa lèko jei Juda to godo me, kinnikinni de pé e bo hu i. Lehe azóndenamé yewhegán ton eton wa vivonu to aliho he blawu de me do so!—1 Ahø. 13:19-25.

### Onú Sisosiso Gbigbomé Ton Lé

w10 1/10 26 huk. 5

### E Nø Doayi Dagbe Gbeto le Ton Go

Nuhe yin nujonu hugan we yindø hogbe he tin to 1 Ahølu le 14:13 me le pløn mí onú dagbe de gando Jehovah po nuhe e no dín to mí me po go. Flindø onú dagbe de yin ‘mimo’ to Abija me. E honwun do Jehovah gbeje ahun Abija ton me pón kakaje whenue E mo onú dagbe vude. To vogbingbon me na whendo eton, dile weyonentø de do do, Abija yin peali dopo “to beplidopø zannu le ton me.” Jehovah yón pinpøn dagbewiwa ehe ton bo suahø eton, gbon leblanu didohia mede po ehe to whendo ylankan de me dali.

### GBEZAN KLISTIANI TON

g-F 1/10 8-9, apotin

### AZÓN DELE HE A GÁN TÓN BO YÌ WÀ

Ayinamé he bødego le gán goalø to fie e vewu nado mo agbasazón te le:

- Owhé sisó na mélé (di apajlé to whenue azón yeton biø do yé ni tónwhén kavi eyin yé yì gboje bo jlo do mède ni penukundo owhé yeton go)
- Nukunpipedo wiwejinino go: nusatèn le; azónwatèn le; owhé po hònù le po to hòggbigbá godo, to whenue miyón hennugble godo, whenue mélé seten; whégbè-zón wiwà na mélé; fleché le (to nusatèn le podo to owhé mélé ton gbè)
- Nulé vivojlado: kéké afø ton; nuyizan vovo le (a gán mo owe anademé ton he no goalø le to wesédoten le)
- Azón kleunkleun le: aşódido na adó; nuhe me yé gán be agbàn do bibayi, ohòn po aza-va po bibayi; osèn-sisá; pakàn bibayi; hòta kavi ozà bibayi
- Glezón: jinukun dido, atin-sinsen gbin-gbèn, jinukun yià
- Nukunpipedo aşó homé ton po vounvoun le po go: to azónwatèn le, akuşédoten le, ohò he me jonø no nötepon me te to azón-whé le, ajowhé le po hoteli dahodaho le po
- Nukunpedonugo name: owhé kavi nudevo le (mèdele tlé no name adötøn vonu)
- Avø titli kómè ton po onú mònko le po tité, kavi nukunpipedo yé go
- Linlinwe kavi wema ajójijla ton le mimá
- Alögigona mélé nado seten, nukunpipedo agbàn yeton le go
- Nukunpipedo jipa go, alà didena atin le, ogbè hihò, atin le sinsán
- Ohún he no be wehomévi le kùnkùn
- Føto dide name to nuwiwa le whenu kavi anazón he no biø do yé ni de yedide mède ton

- Mòdonú whèhu hu tòn lè sisà
- Azón de wiwà na mède bò mèlo na wà devo do otèn etòn mè na we: di apajlé, ohún jjilado do otèn lètlikì-zòn tòn mè, avò titò na mède do otèn azón devo tòn mè. Na nudonamè dogo, pón Fón! 8 mars 1996, weda 3-11 to Flansegbe mè

### AZÓN DELÉ HE A GÁN WÀ TO WHÉGBÈ

Pón azón he a gán wà sògbe hé lèdo towé. Kanhose kòmènu towé lè. Kàn ayiha.

- Nukunpipedo ovi flinflin lè go
- Omá kavi vounvoun dido nado wá sà; osin he yè yí atin-sinsén do basi lè sisà
- Nutitò po avò lè jjilado po
- Azón he yè na wà to whégbè lè yíyí kavi dehe mèlè gán wá dè we to whégbè bò a na wà na yé lè
- Akla, nûdùdù po onú mònko lè po didà name
- Avò linlòn; okò-zòn kavi anazòn mònko lè wiwà
- Avò kavi ayú búbú do oján
- Kandai akuezinzan tòn lè gbigbejepon name, awuwivlena kandai mèlè tòn to maşinu kavi odatajé ji, odatajé-zòn wiwà
- Nukunpipedo oylo alokan tòn lè go name
- Oda biblá name
- Hònù hihaya name
- Alögigò to wekanhlanmè ajójijla tòn lè mè
- Moto-kiklo po nukunpipedo aşò etòn po go (ahisinò lò na ze moto lò wá owhé towé gbè)
- Nukunpipedo whékanlin lè go name
- Nuhe gando hònhungan go lè bibasi kavi vivojlado (a na hùn şofu do whégbè). Ayidonugo: E yönbaşı nado wleawuna wema ajójijla tòn na suhugan azón he mí dòho etòn ehe-lè tòn bo má yé pé do ajowhé kavi nusatèn dahodaho lè. To paa mè, yè ma nö sú akué depope. Eyn etlè wá biò domò, e ma nö yin akué kaka de.

## 26 SEPTEMBRE-2 OCTOBRE

### NUHOAKUÉ LÈ SÒN OHÓ JIWHEYEWHE TÒN MÈ | 1 AHÖLU LÈ 15-16

#### “Asa Yinuwa po Adògbigbo Po—Hié Lo?”

##### w12 15/8 8 huk. 4

#### “Yè Na Suahò Azón Mitòn”

E ko yì owhe 20 bò akóta Islaeli tòn má bo lèzun ahòluduta awe. To owhe enélé gblamé, Juda yin hinhenflu pete gbón aşa kosi tòn lè dali. To whenue Asa lèzun ahòlu to owhe 977 J.W.M., nûzinzan sinsén-bibasi hlan yewhe vijiji tòn Kenaninu lè tòn delé tlè ko yin hinhen biò hònmez ahòlu tòn. Şigba, otànnugbo gbodo he yin kinkandai gando gandudu Asa tòn go dohia dò ewò “sò wà ené he yin jjilò [bo sògbe] to nukun OKLUNO Jiwheyewhe etòn tòn lè mè.” Asa “bè agbà jonò lè sè, po otèn yiji lè po, bo gbà dòtin lè liai, bosò sán Aşelimi lò liai.” (2 Otan. 14:2, 3) Asa sò yàn “sòdòminu lè” jegbonu sòn ahòluduta Juda tòn mè, yèdò sunnu he nö zanhé sunnu devo lè to sinsén-bibasi lalo yetòn whenu. Asa ma de sinsén-bibasi lalo sè pou gba. E sò dotuhoména gbètò lè nado “nö dín OKLUNO, Jiwheyewhe otó yetòn lè tòn” podò nado nö yìn ‘osén lò po gbedide Jiwheyewhe tòn lò po.—1 Ahò. 15:12, 13; 2 Otan. 14:4.

##### w17.03 19 huk. 7

#### Nò Sèn Jehovah po Ahun Pipé de Po!

7 Dopodopo mítòn sògan gbeje ahun ede tòn pón nado yönèn eyin e ko wleawuna mèdezejo mlènmlèn na Jiwheyewhe to ahun etòn mè. Kanse dewe dò, ‘Be n’ko magbe nado hén homé Jehovah tòn hùn, nado yiavùnlöna sinsén-bibasi nugbo lò podò nado basi hihóna omé etòn lè sòn nudepopo he sògan hénmez flu si ya?’ Yí nukun homé tòn do pón adògbigbo he e na ko biò to Asa sì nado nöte pannukòn Maaka, yèdò mèhe yin “ahösi

daho” to otò lọ mè! Vlavo a ma ko mọ mède he tindo jiyo eton nkó pón, sıgba a sogan wá pannukòn ninomé de he na biò dò a ni hodo apajlé zohunhun he Asa dohia ton. Di apajlé, etewé a na wá eyin hagbè whèndo ton kavi honton vivé towé de waylando bo ma lènvojo, bo wá yin didesé sòn agun mè? Be a na ze afodide nujikudo ton bo sánkanna gbèdi-do towé hé omé mònkokton ya? Etewé ahun towé na whàn we nado wà?

### **it-1-F 195 huk. 5**

**Asa**

Asa gboawupo nado do nuyonén po wuntuntun gbigbomé ton po hia to whedelenu, amó e tindo jehenu dagbe lè bo nòla na ateşisi, podò e nò yin pinpònhan di dopo to aholu nugbono Juda ton lè mè. (20t 15:17) E du-gán na owhe 41. To ojlé ené gblame, aholu şinatòn dugán do Israeli ji, ené wé: Jeloboomi, Nadabi, Baaşa, Elahi, Zimli, Omli, Tibni (mèhe dugán do adà Israeli ton de ji taidi këntö Omli ton), po Ahabi po. (1Ah 15:9, 25, 33; 16:8, 15, 16, 21, 23, 29) To whenue Asa kú, visunnu eton Jehoşafati wé lèzun aholu. —1Ah 15:24.

### **Onú Sisosiso Gbigbomé Ton Lé**

#### **w98 15/9 21 huk. 8**

**Be Jiwheyewhe Yin Gbètò-jo-Gbètò de Na We Ya?**

Di apajlé, hia dòdai lò he gando yasaname na vivögba Jèliko ton go podò to enegodo lènnupondo hendi eton ji. Yoşa 6:26 dòmò: “Yoşa sò yí whiwhile de do naşé yé to ojlé nè mè, dòmò, Dèhodonò wé omé lò yin to OKLU-NÒ nukòn, he fòn tite bo gbá Jèliko todaho he: okú plonji eton ton wé e na yí do do dòdò eton ai, po okú visunnu jivò eton ton po wé e na yí do ze hongbo eton do ote.” Hèndi eton wá to owhe 500 delé godo, na mí hia to 1 Aholu lè 16:34 mè dòmò: “To azán [Aholu Ahabi ton] mè wé Hieli Bètielinu lò dó

Jèliko: e dò dòdò eton lò ai po henu Abilami plonji eton ton po, bo sò ze hongbo eton lè dote po henu Segubi visunnu ojivo eton ton po; këdèdi ohó OKLUNO ton, he e dò gbon alò Yoşa visunnu Nuni ton ton mè.” Ji-wheyewhe gbètò-jo-gbètò de këdè wé sogan gbodo dòdai mònkokton lè bosò hën hendi yeton diun.

## **3-9 OCTOBRE**

### **NUHOAKUÉ LÉ SÒN OHÓ JIWHEYEWHE TÒN MÈ | 1 AHÖLU LÉ 17-18**

**“Nawé E Na Dènsò bø Miwlé Na Gbé to Ayihaawe Tindo?”**

#### **w17.03 14 huk. 6**

**Yise Na Gòalona We Nado Nø Basi Nudide Nuyonén Ton Lé!**

6 To whenue Israelivi hohowhenu ton lè je Ai-gba Pagbe ton lò ji, yé pannukòn nudide titengbe de he sinyen taun: Vlavo yé na sèn Jehovah kavi sèn yewhe devo de (kavi yewhe devo lè). (**Hia Yoşa 24:15.**) Ené sogan ko taidi nudide vlékésh de poun. Etomoço, nudide ené sogan dekotòn do okú kavi ogbè mè na yé. To ojlé Whèdato lè ton mè, whlasusu wé Israelivi lè basi nudide he ma yin nuyonén ton lè. Yé lè sòn Jehovah dè bo sèn yewhe lalo lè. (Whè. 2:3, 11-23) Kavi lènnupondo nujijò devo ji he wá aimé to nukòn mè to whenuho omé Jiwheyewhe ton lè ton mè to whenue yé to dandannu glo nado basi nudide de. Yewhegán Elija ze nudide lò donukonna yé to aliho he honwun mè dòmò: Mì de nado sèn Jehovah kavi nado sèn yewhe lalo lò Baali. (1 Ahò. 18:21) Elija gbènuna omé lò lè na ayihaawe tintindo yeton wutu. Hiè sogan lèndò nudide ené ma vèawu, na e honwun dò nuyonennu podò alenu wé e nò yin to whepoponu nado sèn Jehovah. Na nugbo ton, gbètò lènpon dagbeno depope ma sogan do ojlo to Baali mè kavi yiwanna èn. Etomoço,

Islaelivi enélé “gbé to ayihaawe tindo.” Elija gbón nuyonén dali dotuhoména yé nado de alihosinsén-bibasi tón dagbe hugan ló—ené wé nado sén Jehovah.

### **ia 88 huk. 15**

#### **E Yiyavùnlóna Sinsén-Bibasi Wiwe Şeke**

<sup>15</sup> Na Elija vlé yé ko wutu, yewhenó Baali tón lè sò yí zohunhun susu do “dawhá gángán, bosó yí awhànnohí ló po owhán ló po do to awugblena yede di waló yetón, kaka ohún do to kinkón tón to yé go.” Şigba, osin bado pápá negbé wé ehe lépo yin! “Ogbè de matin, mèdepope ma sió, mò mèdepope ma hò-pòn.” (1 Ahö. 18:28, 29) Na nugbo tón, Baali de ma tin. Yé doklóménu de poun wé, ehe Satani wleawuna nado hén gbéto ló buali són Jehovah dè. Nugbo ló wé yindó, eyin mède de ogán devo depope gbónvona Jehovah, ené nò dekötón do fluméjijé, etlé yin winyan mè.—*Hia Psalm 25:3; 115:4-8.*

### **ia 90 huk. 18**

#### **E Yiyavùnlóna Sinsén-Bibasi Wiwe Şeke**

<sup>18</sup> Whépo Elija do hodé, gbéto gun he tin to finé ló sògan ko lèndó Jehovah lòsu na yinuwa taidi Baali. Şigba to odé ló godo, nubgo ló honwun hezeheze. Kandai ló dòmò: “Whenénu wé miyón OKLUNÓ tón flé, bo fió avónunina mimé ló, po nake ló po, po zannu lè po, po kógudu ló po, bosó didó osin he tin to avúndo ló mè.” (1 Ahö. 18:38) Gblondo ayidego tón nankó die! Podó nawé gbéto ló lè yinuwa gbón?

#### **Onú Sisosiso Gbigbomé Tón Lé**

##### **w08 1/4 13, apotin**

##### **E Hóali bo Nòtepón Jiwheyewhe**

##### **Nawé Akú He Do to Azán Elija Tón Gbè ló Dénso?**

Yewhegán Jehovah tón Elija dona Ahölu Ahabi dò akúdido he ko nò aimé na ojlé din-dén ló na doalôte to madénmé. Ené jò to

“owhe atontó mè”—vlavo bésón azán he gbé Elija lá akúdido ló whla tintan. (1 Ahölu lè 18:1) Jehovah hén jikun ja tlolo to whenuena Elija dò dò E na wàmò godo. Enewutu, mèdelé sogan wá tadona ló kòn dò akúdido ló doalôte to owhe atontó ló gblamé bo ma tlé nò aimé pé owhe atòn. Şigba, Jesu po Jakobu po dona mí dò akúdido ló dèn na “owhe atòn po osun şidopo po.” (Luku 4:25; Jakobu 5:17) Be Biblu sota ede wé ya?

Paali. Nuló wé yindó, to Islaeli hohowhenu tón mè, alunlun whenu nò dèn taun, diblayi osun şidopo. Matin ayihaawe, whenuena Elija wá Ahabi dè nado lá akúdido ló, alunlun owhe ené tón ko dèn bo sinyen hugan lehe e jé dò e ni yin do. Na nugbo tón, diblayi osun şidopo jénukon gbón wé akúdido ló ko bé. Enewutu, to whenuena Elija lá dò akúdido ló na wá vivonu to “owhe atontó mè” bésón nulila etón he jénukon ló godo, akúdido ló ko dibla nò aimé na owhe atòn daa. “Owhe atòn po osun şidopo po” ló ko juwaiyi to whenuena tòmènu ló lépo pli nado mò mètenpon daho ló to Osó Kalmeli ji.

Só lennupondo ojlé he mè Elija dla Ahabi pón whla tintan ji. Gbéto lè lèndó Baali wé “paşé do aslö lè ji,” yèdó yewhe he na hén jikun ja nado doalóténa alunlun ló. Eyin ojlé alunlun tón ló to dindén hú lehe e dona yin do, vlavo gbéto ló na ko to kinkanse yede dò: ‘Fie wé Baali te? Wheténu wé e na hén jikun wá?’ Nulila Elija tón dò jikun kavi ahún ma na ja kakajé whenuena e degbè dò jikun ni ja dona ko hén Baali sènto enélé jeflumé.—1 Ahölu lè 17:1.

#### **AWUWIWLENA LIZONYIZON KUNNUDE-GBE TÓN**

##### **w14 15/2 14-15**

##### **Asuşıosi Zalefati Tón Mò Ahosumé Yí Na Yise Etón Wutu**

Yí sowhiwhe do lennupondo nuhe Elija biò to asuşıosi ló si nado wà ji. Nawe ló şesé

dona en dō nūdūdū godo tōn wē emi jlo na dā na emide po visunnu emitōn po, bō yé na dū i bo kú. Etomoşo, etewē Elija dō? “A dibu blo; yì bo wà dole a ko dō do: şigba basi na mi sōn finē tōn mē akla hìhì de whé, bo hēn en wá dè e, to enegodo basi na we podō na visunnu towē. Na le wē OKLUNO, Jiwheyewhe Islaeli tōn dō, Odla linfin tōn lō ma to na jēvó, mō aboun amì tōn lō masō to na hú, kakajé azán lō gbè he OKLUNO do jikun hlan aigba lō ji.”—1 Ahö. 17:11-14.

Mēdelē sōgan ko dō dō, ‘Ma na we nūdūdū mítōn godo tōn wē a dō ya? Odlo kú wē a te.’ Şigba, asuşıoşı lō ma yinuwa to alihō enē mē. Mahoponna dō onú vude wē e yönē gando Jehovah go, e yí nuhe Elija dō sē bo wà nuhe e biō to e si. Mētenpon yise tōn ayidego tōn nankō die, podō nudide nuyonēn tōn nankō die!

Jehovah ma jo asuşıoşı wamqonq ehe do. Dile Elija dopagbe na en do, Jehovah hēn nūdūdū yetōn jideji bo penukundo Elija, asuşıoşı lō po visunnu etōn po go kakajé whenue akudido lō wá vivonu. Na nugbo tōn, “odla linfin tōn lō ma jēvó, kavi aboun amì tōn lō, kēdēdi ohó OKLUNO tōn, he e dō gbon Elija dē.” (1 Ahö. 17:16; 18:1) Eyin nawe lō ma ko yinuwa to alihō enē mē wē, akla hìhì he e yí linfin lō po amì lō po do basi na ko yin nūdūdū godo tōn etōn nugbonugbo. Şigba, ewo yinuwa po yise po bo dejido Jehovah go bosō na nūdūdū Elija whé.

Nuhe mí sōgan plon sōn nujijo ehe mē wē yindö Jiwheyewhe nō dona mēhe do yise hia lē. Eyin mí pannukon whlepōn tenogligohinhen tōn lē bo do yise hia, Jehovah na gōalona mí. Ewo na yinuwa taidi Awuwledainanuto, Hihó-Basinametö podō Honton de nado gōalona mí nado dutō whlepōn lē ji. —Eks. 3:13-15.

To 1898, *Le Phare de la Tour de Sion* zinnudo nuplonmē ehe ji sōn otān asuşıoşı lō tōn

mē dōmō: Eyin asuşıoşı lō tindo yise bo setonuna Elija, Jehovah na gōalona en. Eyin ewo ma do yise hia to Jehovah mē, asuşıoşı devo he na wàmō na ko yin dide. Hosö lō zindonukon dō nudopolō wē e yin na mílosu. To whedelenu, Jehovah nō dike bō yise mítōn nō yin whiwhlepōn. Eyin mí tindo yise, “mí na mō dona lō yí; eyin mí ma [tindo yise], dona lō na gbō mí go.”

Eyin mí pehē whlepōn tangan delē, mí dona dín anademé Jiwheyewhe tōn sōn Owe-wiwe lē po owe sinai do Biblu ji lē po mē. Enegodo, mí dona yinuwa to kōndopō mē hē anademé Jehovah tōn mahoponna lehe e sōgan vēawu nado kēløyi i do. Na nugbo tōn, mí na mō dona yí eyin mí yinuwa to kōndopō mē hē howhinwhen nuyonēn tōn ehe dōmō: “Yí ayiha towē do dotudo OKLUNO go; a dē hlan dewe tōn dali blo. Yón en to alihō towē lepo ji, ewo nasō jlo omó towē.”—Howh. 3:5, 6.

## 10-16 OCTOBRE

### NUHQAKUĘ LĘ SÖN OHÓ JIWHEYEWHE TÖN MĘ | 1 AHÖLU LĘ 19-20

#### “No Léhlan Jehovah Nado Mō Homemimion Yí”

w19.06 15 huk. 5

No Ganjé Jehovah Go to Ninomé Ayimajai Tōn lē Mę

<sup>5</sup> **Hia 1 Aholu lē 19:1-4.** Şigba, Elija dibu to whenue Ahosi Jezebeli sìn-adán nado hù i. Enewutu, e honyi lēdo Beeli-şeba tōn mē. Ewo jeflumé sōmō bo “jē okú biō na ede ji.” Naegbon ewo do tindo numotolanmē enē? Gbētō mapenq wē Elija yin, yēdō “gbētō he tindo numotolanmē taidi mítōn lē nkō.” (Jak. 5:17) Vlavo ayimajai po nuşikō sinsinyen etōn po wē wá húagbó ḑ. Elija sōgan ko lēndō vivenu he emi do nado ze sinsën-bibasi wiwe-şeve daga lepo wē yin ovó, dō ninomé

nulé tòn ma pönte to Isaeli, podò emile şo wé pò to Jehovah sén. (1 Ahö. 18:3, 4, 13; 19:10, 14) Nuyiwa yewhegán nugbono ehe tòn soğan paşa mí. Amó, Jehovah mònukun-nuje numotolanmè Elija tòn lè mé.

### **ia 103 huk. 13**

#### **Jiwheyewhe Etòn Mionhomëna Èn**

<sup>13</sup> Numotolanmè tewé hié lèndò Jehovah tindò to whenu e mó yewhegán yiwanne etòn hlan bò e mlonai to atinsá to danfafa ji bo to bibio dò emi ni gbò bo kú? E ma vewau nado yönèn, na Biblu na gblondo kanbiò ene tòn. To whenu Elija ko damlon yì kanmè, Jehovah do angeli de hlan èn. Angeli lò soa-lo è yède de nado fón èn son amlon mé bo döna èn dömö: "Tite bo dù." Elija wàmò, na angeli lò ko yí homedagbe do na èn nûdùdù kleun de, yèdò akla miyónawu po osin po. Be ewò tlè dopena angeli lò ya? Nuhe kandai lò dò poun wé yindò yewhegán lò dù bo nù bosò gò aimlon. Be apôsimè wé zón bò e ma soğan döho ya? Depope he whèho lò yin, angeli lò fón èn whla awetò, vlavo to wunkengbe afonnu fuu. Whladopo dogò, e dotuhomëna Elija dò, "Tite bosò dù," podò è yí hogbe ayidego tòn ehelé dogò dò, "na gbejizönlìn lò yin daho gbau na we wutu."

—1 Ahö. 19:5-7.

### **ia 106 huk. 21**

#### **Jiwheyewhe Etòn Mionhomëna Èn**

<sup>21</sup> To nujijo lò lè dopodopo whenu, kandai lò nò döna mí dò Jehovah ma tin to huhlòn jia-wu jowamò tòn ehelé mé gba. Elija yönèn dò Jehovah ma yin yewhe dabla de, taidi Baali he sinsën-basitò etòn he ko yin hinhen bua-li lè nò pà taidi "mèhe nò deanana aslo lè" kavi mèhe nò hén jikun wá. Na nugbo tòn, Jehovah wé Asisa huhlòn jia-wu jowamò tòn lèpo tòn, şigba ewò klo tlala hú depope to nudida etòn lè mé. Olon yinukundomo lè losu ma tlè soğan hén èn! (1 Ahö. 8:27) Nawé onú

ehe lèpo goalona Elija gbon? Flindò budi wé e te dai. Na Jehovah Jiwheyewhe he tindo huhlòn he şehundaga mònkokton tin to adà etòn mé wutu, Elija ma tindo whèwhinwhén depope nado dibuna Ahabi po Jezebeli po!

—*Hia Psalm 118:6.*

### **ia 106 huk. 22**

#### **Jiwheyewhe Etòn Mionhomëna Èn**

<sup>22</sup> To whenu miyón lò doalo te godo, aboeni-nò de wá aimé bò Elija sè "ogbè pèvi [he] ma sisò de," kavi ogbè fifá he yido de. Ogbè lò basi oylona Elija nado döho whladopo dogò, podò e wàmò bo dò ahunmèdunamenu etòn lèpo tòn whla awetò. Ené soğan ko mionhomëna èn taun. Şigba, ayihaawe ma tin dò nuhe ogbè fifá he yido lò döna Elija to enegodo tlè sò mionhomëna èn dogò. Jehovah vó jide na Elija dò ewò ma yin nuvónò. Gbonna? Jiwheyewhe de nususu hia è gando lèndai Etòn nado hoavùn sòta sinsën-bibasi Baali tòn to Isaeli go. E honwun dò azón Elija tòn ma yin ovó, na Jiwheyewhe na gbé yinuwa sòta sinsën Baali tòn. Humò, Elija na gbé yí adà de wà to lèndai ené mé, na Jehovah na èn anademè tangan delé bo vó do e hlan nado yí wazón.—1 Ahö. 19:12-17.

### **Onú Sisosiso Gbigbomè Tòn Le**

#### **w97-F 1/11 31 huk. 1**

#### **Apajlé Mède-Yido-Sanvó po Nugbono-Yin-yin po Tòn De**

To egbehe, devizonwatò Jiwheyewhe tòn susu wé nò do gbigbò mède-yido-sanvó tòn mònkok hia. Mèdelé ko jo "aigba" yetòn lè do, ené wé nuhe nò na yé nûdùdù, nado yí lá wendagbe lò to fidinden lè kavi nado sén to Bèteli de. Mèdevo lè ko yí otò devo lè mé nado doalo to titò hogbigbá tòn Titobasina-nu lò tòn lè mé. Mèsusú wé ko kéaloyi azón he gán yin pinponhlan di azón he demepò lè. Şigba, mèhe to tuklaje do sinsën-zòn Jehovah tòn tamé lèpo wé to azón hoakué de

wà. Homé Jehovah tòn nò hùn do mèhe nò deson ojlo mè do sén en lèpo go, podo e na dona gbigbò mède-yido-sanvò tòn yetòn. —Malku 10:29, 30.

## 17-23 OCTOBRE

### NUHQAKUÉ LÉ SÓN OHÓ JIWHEYEWHE TÒN MÈ | 1 AHÖLU LÉ 21-22

#### “NÒ YÍ AŞEPIPA ZAN DILE JEHOVAH NÒ WÀ DO”

**it-1-F 1266 huk. 1**

#### Jehovah Awhànpa lè Tòn

To whenue Jóshua mò jonò he yin angeli de to fie ma dèn do Jéliko bo kanse e eyin adà Islaeli tòn mè e te kavi adà kentò tòn mè, angeli lò gblon dòmò: “Lala, şigba yen wá taidi ahovi awhànpa Jehovah tòn.” (Jos 5:13-15) E honwun dò visunnu gbigbomè tòn Jehovah tòn lè dlenalodo wé yewhegán Mikaia te to whenue e döna Aholu Ahabi po Jehoşafati po dòmò: “Yen mò Jehovah to aisinsin to ofin etòn ji bò awhànpa olon tòn lèpo to ote to e dè, to adusi po amiyon etòn po.” (1Ah 22:19-21) Hodidò lò “Jehovah awhànpa lè tòn” sogbe taun, na Owe-wiwe lè dohia dò angeli huhlonnò he to olon mè lè yin mimá do ogbè voovo ji, ené wé kelubimi lè, selafu lè po angeli lè po (Isa 6:2, 3; Jen 3:24; Osò 5:11) bosò yin titobasina ganji, abajo Jesu Klisti do dò dò Otó emitòn gán do “hugan awhànpa angeli lè tòn 12” hlan eyin emi biò è. (Mt 26:53) To ojlé de mè he Aholu Hézekia to vevéna Jehovah bo to alogò biò, e ylo è dò ‘Jehovah awhànpa lè tòn, Jiwheyewhe Islaeli tòn he sinai to ofin ji to aga kelubimi lè tòn.’ Ayihaawe ma tin dò apotin alenu tòn po yédiide kelubimi lè tòn he to nùsu apotin lò tòn go po, he notena ofin Jehovah tòn to olon mè wé e na ko do to linlen mè. (Isa 37:16; yijledo 1Sa 4:4; 2Sa 6:2 go.)

To ninomè de mè, devizonwatò Elişa tòn dibu taun, na kentò lè dosla lèdo tòdaho he mè Elişa nò nò wutu. Amó, agbò etòn jèdò to whenue e mò numimò jiawu de he mè osó he lèdo tòdaho lò “gó na osó lè po osó-kéké awhàn tòn miyónnò lè po” te, yèdò delè to awhanpa angeli Jehovah tòn lè tòn mè.—2Ah 6:15-17.

**w21.02 4 huk. 9**

#### “Klisti Wé Ota Sunnu Dopodopo Tòn”

<sup>9</sup> *Whiwhe*. Jehovah wé yonnuin hugan to gbè lò mè; etomoşo, e nò dotoaina linlen devizionwatò etòn lè tòn. (Jen. 18:23, 24, 32) E na dotenmè mèhe to aşepipa etòn glo lè nado dò linlen yetòn lè. (1 Ahò. 22:19-22) Jehovah yin mèpipe, amó todin whé, e ma nò donukun pipé-yinyin son mí si. Kakatimò, e nò góalona gbètövi mapenò he to sinsen en lè nado do kódetòn dagbe. (Salm. 113:6, 7) Na nugbo tòn, Biblu tlé dò dò Jehovah yin “alogötö” de. (Salm. 27:9; Heb. 13:6) Aholu Davidi yigbe dò, eyin whiwhé Jehovah tòn déni, emi ma gán wà azón daho he yin dide-na emi lò dotana.—2 Sam. 22:36.

**it-2-F 255 huk. 7**

#### Lalo

Jehovah Jiwheyewhe nò dike “nuyiwadoméji oklö tòn” ni tindo huhlòn do mèhe ma nò yi-wanna nugbo lè ji, “na yé nido soğan yí lalo sè,” kakati nido yin wéndagbe he gando Jesu Klisti go. (2Té 2:9-12) Nuhe jo do Aholu Ahabi Islaeli tòn go owhe kanweko susu wayi do nugbo-yinyin nunöwhinnusén ehe tòn hia. Mahoponna dò yewhegán Jehovah tòn Mikaia dò dòdai dò Ahabi ma na tindo kódetòn dagbe eyin e pé awhàn hé Lamoti-giliadi, yewhegán lalo lè klö è dò awhàn lò na pà è. Dile numimò Mikaia tòn dohia do, Jehovah na dotenmè nudida gbigbönò de nado lèzun “gbigbò oklö tòn de” to onù yewhegán Ahabi tòn lè tòn mè. Ehe dohia dò nudida gbigbönò ehe yí huhlòn etòn zan do yé ji nado dò

nuhe yé jlo na dō podō nuhe Ahabi lōsu jlo na sè, kakati nado dō nugbo. Mahopon-na avase he yin nina Ahabi, lalo yeton lē wé yóntsé na én bō ehe dekötön do okú mē na én.—1Ah 22:1-38; 2Ot 18.

## Onú Sisosiso Gbigbomé Tón Lé

w21.10 3 huk. 4-6

### Etewé Léñvojo Nujonu Tón Zéemédo?

<sup>4</sup> To godo mē, homefa Jehovah tón wá vivonu. E do Elija hlan nado lá whédida sota Ahabi po Jezebeli po. Mēhe wá són hukan whéndo tón yeton mē lépo wé na yin vivasudo. Hogbe Elija tón lē yinuwado Ahabi ji sisisiso! Nupaşamé taun wé e yin dō dawe saklanqo ené “whiwhé ede.”—1 Ahö. 21:19-29.

<sup>5</sup> Dile etlē yindö Ahabi whiwhé ede to ninomé ené mē, nuyiwa eton to enegodo dohia dō e ma lénvojo nugbonugbo. E ma dovívenu nado de sinsën-bibasi Baali tón sè són ahóluduta eton mē. Podö, e ma ze sinsën-bibasi Jehovah tón daga. Ahabi sò do lénvojo matindo eton hia to aliho devo lē mē ga.

<sup>6</sup> To nukon mē, whenu Ahabi basi oylona ahólu dagbe Juda tón Jehoşafati nado kónawudopö hé e to awhànfunfun sota Silianu lē mē, Jehoşafati na ayinamé dō, yé ni kanhose yewhegán Jehovah tón de whé. To tintan whenu, Ahabi jéagodo linlen lō bo dōmō: “Dawe devo de tin he gblamé mí sogan kanhose Jehovah gbón; amó n'gbewanna én, na e ma nō dō dódai dagbe gando go e gbede, adavo ylankan kédé.” Etomoşo, yé kanhose yewhegán Mikaia. Podö, yewhegán Jiwheyewhe tón lō sò dō dódai dō onú ylankan na jo do Ahabi go nugbo! Kakati Ahabi ni lénvojo bo dín jonamé Jehovah tón, e degbe dō yewhegán lō ni yin súsú do gànepamé. (1 Ahö. 22:7-9, 23, 27) Dile etlē yindö Ahabi penugo bo sú yewhegán Jehovah tón do gànämé, e ma gán glonalina dódai lō nado mō hendi. To awhàn he bodego lō whenu, Ahabi yin hühü.—1 Ahö. 22:34-38.

## AWUWIWLENA LIZONYIZON KUNNUDE-GBE TÓN

w15 15/3 9-10 huk. 10-12

### “Hię Mødö E Yón Nado Yinuwa to Aliho Ehe Mē”

<sup>10</sup> Dile mí sogan ko donukun eton do, Jehovah góalona “afanumé nugbonö podö nuyonentö lō” vudevude to owhe lē gblamé nado lèzun nuyonentö dogo. Nuyonén góalona yé nado tin to aseji dogo, ma nado nō basi zéemé dō kandai Biblu tón de notena nuhe na wá jö to nukon mē de, adavo eyin whéwhinwhén he honwun bo sinai do Owe-wiwe lē ji tin nado wàmo. Humö, e ko yin ayidego dō zéemé he yin bibasi do kandai Biblu tón delé ji nado dohia dō yé notena onú vonotaun he na wá jö to nukon mē lē nō vewau taun na mësusu nado mònukunnujéemé. Nudonamé he nuplonmë mònkothon lē nō bëhen, yèdö mëhe mëde notena po nuhewutu e do yinmō po, sogan vewau nado mònukunnujéemé, nado flin, podö nado yí do yizan mē. Nuhe sò ylan hugan wé yindö, eyin nupinplon mítöñ nō yin zize sinai do nuhe kandai Biblu tón lē notena ji, ené sogan zón bō nuplonmë yón-na-yizan he yé bëhen lē ma na honwun na mí. Enewutu to egbehe, mí móðö linlinnamewé mítöñ lē nō bë nuplonmë he bøawu, bo yón-na-yizan lē hën sinai do yise, akondonanu, mèdezejo na Jiwheyewhe, gona jehenu titengbe devo lē he mí nō plon són kandai Biblu tón mē lē ji.

<sup>11</sup> Todin, nawé mí mònukunnujé kandai he gando Naboti go mē gbón? Mí móðö e honwun bosö bøawu dogo. E ma yindö dawe dodonö ené notena Jesu kavi meyiamisisadode lē wé zón bō e do kú gba, sigba na e hën tenogli eton go wutu. E tedo Osén Jehovah tón go mahoponna homékén sinsinyen he e pehë són ahólu lō po asi eton po dè. (Soh. 36:7; 1 Ahö. 21:3) Enewutu, nuplonmë dagbe de wé apajlé eton yin na mí, na

depope to mí mé wé soğan pehé homékén mònköton. (**Hia 2 Timoti 3:12.**) Gbètò lèpo wé soğan mònukunnuje nuplönmé he nö hén yise lodo ené mé po awubibò po, bo flin in, bosò yí i do yizan mé.

<sup>12</sup> Be mí dona wá tadona kòn dö nuplönmé yón-na-yizan lè kédé wé kandai Biblu tòn lè böhén bo maso tindo zéémé devo wé ya? Lala. To egbehe, owe míton lè nö saba plön-mé lehe kandai Biblu tòn de flinnu mí gando devo go do kavi lehe yé tindo kanşışa do. Yé ma nö basi zéémé kandai Biblu tòn lè tòn nado dohia dö yé nöténa onú vonotaun he na wá jo to nukon mé lè sòmò ba. Di apajlé, mí soğan dö dö tenöglige hinhen Naboti tòn to homékén glo kakajé okú flinnu mí gando tenögli Klisti po meyiamisisadode etòn lè po tòn go. Mòdopolò, e sò flinnu mí gando te-nögli mësusu he yin “lëngbò devo lè” tòn go. Aliho mëpinplòn tòn he honwun bosò bøawu ehe dohia dö Jiwheyewhe wé to mí plòn

## 24-30 OCTOBRE

### NUHQAKUÉ LË SÖN OHÓ JIWHEYEWHE TÒN MË | 2 AHÖLU LË 1-2

#### “Apajlé Azónplönmé Tòn Dagbe De”

w15 15/4 13 huk. 15

Lehe Mëho lè Nö Plönazón Mëdevo lè Nado Pegan Do

<sup>15</sup> Kandai Elişa tòn, yèdò mejemétenmé Elija tòn do lehe mémësunnu lè soğan do sisi nujonu tòn hia mëho numimòno lè do to egbehe. To whenu Elija po Elişa po ko dla yewhegán delé pón to Jéliko godo, yé omé awe lè zinzönlín yì Tòsisa Jòdani tòn tó. To fine, “Elija sò yí awugbò etòn, bo bò è dopò, bo hò osin lè lò, yè sò má yé.” To whenu yé zònafò gbón aigba húhú ji dasá godo, yé omé awe lè gbé “to yìyi, bo to hodò.” E honwun dö Elişa ma jé linlen ji dö emi ko yön onú lèpo. Elişa nö yí sowhiwhe do dotoaina

nuhe azónplönméto etòn nö dö lè dopodopo kakajé whenu Elija yì sòn ewò dè. Enégodo, Elija yin zize yì to yujéhon de mé. To godo mé, Elişa lèkowa Jòdani tó bo yí awugbò Elija tòn do hò osin lò bo dawhá dòmò: “Fie Oklunò, Jiwheyewhe Elija tòn te?” Whladopo dogo, osin lò sò má.—2 Ahò. 2:8-14.

w15 15/4 13 huk. 16

Lehe Mëho lè Nö Plönazón Mëdevo lè Nado Pegan Do

<sup>16</sup> Be a doayı e go dö azónjiawu tintan he Elişa wà lò yin nudopolò pepé hé azónjiawu godo tòn he Elija wà ya? Etewé ené plòn mí? Matin ayihaawe, Elişa ma mòdò todin he emi ko jé otén aşepipa tòn de mé, emi soğan wà nulé to alihò he gbövö mé. Kakatimo, Elişa do sisi nujonu tòn hia azónplönméto etòn gbón zinzindonukòn nado hén azónđenamé etòn di dile Elija wà do dali, podò ehe vó jide na yewhegán hatò Elişa tòn lè. (2 Ahò. 2:15) To nukon mé, Elişa sén taidi yewhegán na owhe 60, podò Jehovah yí i zan nado wà azónjiawu susu lè hugan Elija. To egbehe, etewé a soğan plòn sòn apajlé Elişa tòn mé taidi azónplöntö de?

Onú Sisosiso Gbigbomé Tòn Le

w05 1/8 9 huk. 1

Nuagokun lè sòn Owe Ahòlu lè Awetò Tòn Më

**2:11—Etewé yin “olòn” he mé ‘Elija heji yì gbón jehòn lèpénò de dali’?** E ma yin adà dindén wéké yinukundomò lò tòn kavi agblò gbigbomé tòn he mé Jiwheyewhe po ange-li etòn lè po nò gba. (Deutelonomi 4:19; Psalm 11:4; Matiu 6:9; 18:10) “Olòn” he mé Elija heji yì lò wé yin agahomé. (Psalm 78:26; Matiu 6:26) E honwun dö, kéké miyón tòn lò ze Elija gbón agahomé yì adà aigba tòn devo ji, fie e gbésò nogbè te na ojlé de. Na nugbo tòn, to owhe lè godo, Elija kanwehlan Jeholami, ahòlu Juda tòn.—2 Otannugbo lè 21:1, 12-15.

## 31 OCTOBRE-6 NOVEMBRE

**NUHQAKUĘ LĘ SÓN OHÓ JIWHEYEWHE  
TQN MĘ | 2 AHOLU LĘ 3-4**

**“Ze Visunnu Towe”**

**w17.12 4 huk. 7**

**“N’Yonen Dö E Na Fón”**

<sup>7</sup> Yewhegán Elişa, mëhe yin mejemetenmë Elija tòn wé wà azónjiawu fonsónku tòn aweto he go Owe-wiwe lę donù. Nawe Islaelivi nukundeji de he nò nò Şunemi do johemë hia Elişa to alihon vonotaun më. Gbón yewhegán lò gblamë, Jiwheyewhe suahö nawe wënsinö ehe po asu eton he ko poyonho lò po bò yé ji visunnu de. To owhe delë godo, visunnu lò kú. Yí nukun homë tòn do pón awubla sinsinyen onò lò tòn. Po gbekondopò asu eton tòn po, e zingbejizönlö na nudi kilometlu 30 yì Elişa dè to Osó Kalmeli kön. Yewhegán lò döna devizönwatö eton Gehazi nado jenu-konna yé yì Şunemi. Gehazi ma penugo nado hën visunnu lò gowá ogbè. Enegodo, onò he to awubla më lò po Elişa po zonpo wá.  
—2 Ahö. 4:8-31.

**w17.12 5 huk. 8**

**“N’Yonen Dö E Na Fón”**

<sup>8</sup> To whenue Elişa jé owhé he gbè oşio lò te to Şunemi, e hodè. Gbón azónjiawu dali, visunnu he kú lò gowá ogbè, podò e vó onò eton he gó na ayajé taun todin lò mò! (**Hia 2 Aholu lę 4:32-37.**) Nawe lò sogan ko flin odè he Hanna he ko yin wënsinö pón ga hò, to whenue e plan Samueli yì gòhotuntún më dómög: “Jehovah . . . nò hënmë biø Yòdò më, bosö nò fón omë.” (1 Sam. 2:6)

Na nugbo tòn, Jiwheyewhe fón visunnu lò dogbè nugbonugbo to Şunemi, bo gbomö dali do nugopipe Etón nado fón gbëtö sonku hia.

**Onú Sisosiso Gbigbomé Tòn Lé**

**it-2-F 672 huk. 6**

**Yewhegán**

**“Visunnu Yewhegán lę Tòn Lé.”** Sogbe hé zëemë he owe de basi, hogbe Heblugbe tòn ben (visunnu . . . tòn) kavi beneh’ (visunnu . . . tòn lë) gán dlenalçdo linlen lò “nado yin hagbè pipli azón dopolo watö lë tòn de . . . (kavi hennu de tòn, kavi ogbè tangan de tòn).” (Owe lò Gesenius’ Hebrew Grammar, Oxford, 1952, weda 418) (Yijledo Né 3:8 go, fie “dopo to mëhe nò wleawuna amì owán gblingblinno lë më” zëemëdo “visunnu mëhe nò wleawuna amì owán gblingblinno lë tòn” to paa më te.) Po ehe po, vlavo hodidò lò “visunnu yewhegán lë tòn lë” nò yin yiyizan na wehomë de he tin na mëhe jlo na lëzun yewhegán lë kavi pipli yewhegán lë tòn de poun. Owe-wiwe lë dohia dò pipli yewhegán lë tòn lë tin to Bëtëli, Jeliko po Gilgali po. (2Ah 2:3, 5; 4:38; yijledo 1Sa 10:5, 10 go.) Samueli nò deanana pipli de to Lama (1Sa 19:19, 20), podò e taidi dò Elişa lòsu hën azongban mònkö di to ojlé eton më. (2Ah 4:38; 6:1-3; yijledo 1Ah 18:13 go.) Mí hia to Biblu më dò visunnu yewhegán lë tòn lë whé azónwanu de, podò yelosu wé gbá fie yé na nò. Vlavo nudonamë ehetlë yin nina nado dohia dò yé ma do onú kaka de. Yé nò dò fidopolò bo nò dùnú dopò, amò azónndenamë yewhegán tòn voovo wé dopodopo yeton nò hëndi.—1Ah 20:35-42; 2Ah 4:1, 2, 39; 6:1-7; 9:1, 2.

**AWUWIWLENA LIZONYIZÖN KUNNUDE-GBE TÖN**

**w13 15/8 28-29**

**Elişa Mò Awhàn-Kékë Miyón Tòn lę—Hië Lo?**

To gbèdopo, whenue Elişa to ogle pò, yewhegán Elija dònsepö è bo dlan awugbó eton titi do ewò ji. Elişa yön nuhe ehe zëemëdo. Enewutu, e basi hùnwë de bo dò e zun whedenu

na otó po onò eton po, bo tón són whégbè nado yì wadevizòn na Elija. (1 Ahò. 19:16, 19-21) Na Elişa ze ede jo nado wadevizòn na Jiwheyewhe to gigó mé wutu, ewò lezun azónwanu de to alo Jehovah tón mé podò to godo mé, ewò sén taidi yewhegán de to otén Elija tón mé.

Elişa wadevizòn na Elija na nudi owhe şido-po. To ojlé ené mé, Elişa wé nò “kòn osin do alo Elija tón lè go.” (2 Ahò. 3:11) To whenénu, aló wé gbètò lè do nò dùnú, matin şivi, ohí kavi nuyizan devo lè. To nûdùdù godo, devizònwatò de nò kòn osin do alo mémènu eton lè tón go nado klo yé. Enewutu, delé to azón he Elişa nò wà lè mé sogan taidi nuhe demepò. Etomoso, ewò nò módò lèblanulokéyi de wé e yin na emi nado wadevizòn na Elija.

Módopolò to egbehe, Klistiani susu nò doalo to sinsènżon whenu-gigó tón wunmè voovo lè mé. Etewutu? Na yé tindo yise to Jehovah mé bosò jlo nado wà nuhe go yé pé lépo to sinsènżon eton mé. Azóndenamé delé sogan biò dò yé ni tón són whégbè nado wà sinsènżon to Béteili, to azón hògbigbá tón mé po momò po, yèdò azón he mèdelé nò pón-hlan taidi nuhe demepò. Klistiani depope ma dona nò pón sinsènżon mònkokton lè hlan taidi nuhe ma yin nujonu kavi demepò gba, na azón enéle hoakué taun to nukun Jehovah mé.—Heb. 6:10.

### **ELIŞA TÈDO AZÓNDENAMÉ ETON GO**

Whépo Jiwheyewhe do ‘ze Elija to jéhon-lépenò de mé yì olón mé,’ ewò do yewhegán lò hlan són Gilgali yì Béteili. Elija döna azónwatoğbè eton dò ni ma hodo emi blo, şigba Elişa gblon dömö: “Yen ma na jo we do gba.” Dile yé zindonukon to gbejizonlin lò mé, whla awe wé Elija na tuli Elişa nado gboşì ai, şigba ewò gbé. (2 Ahò. 2:1-6) Elişa tèdo Elija go dile Luti tèdo Naomi go do. (Luti 1:8, 16, 17) Etewutu? Na Elişa yón pinpèn azónde-

namé he e moyi són Jiwheyewhe dè nado wadevizòn na Elija tón wutu.

Elişa ze apajlé dagbe de dai na mí. Eyiín mí mó lèblanulokéyi sinsènżon tón de yí to titobasinanu Jiwheyewhe tón mé, mí na yón pinpèn eton taun eyin mí hén do ayiha mé dò Jehovah wé mí to sinsèn. Gbégbò de ma sò hugan mó.—Ps. 65:4; 84:10.



